

畿

輔

安

瀾

志

畿輔安瀾志

清河卷上

原委

東西兩淀附

清河卷下

附載

隄防

橋渡

修治

官司

祠廟

水利

畿輔安瀾志

清河卷上

原委

清河東西兩淀之經流也首起河間府任邱縣

漢爲
真縣

地西北隅上接新安縣之溫義河長流河三岔河四

角河安州高陽容城雄縣之水匯於西淀明時謂之

西河又謂之清河

明統志溫義河在新安縣南八里源二一出安肅
縣南三十里曰曹河一出安肅縣西二十里曰徐
河俱流至縣南相合曰溫義河又南流與長流河
合長流河在新安縣西五里源自鮑河過安肅縣
經縣界東南至雄縣入瓦濟河 方輿紀要長流
河其上流卽易州之鮑河也新安縣南八里有三
岔河馬家砦迤西溫義河分流地上接溫義下達
潞四父南通豬龍河因名四父河在縣東南十五里

新安縣志三岔河在縣南六里 畿輔地圖記
四角河在任邱縣西北五十七里 接高陽河一
接長流河一接白溝河之一支流過趙北口柴禾
淀入玉帶河 明實錄神宗萬曆二十四年九月
巡視廬溝橋御史蔣汝瑚奏東西商稅陝西商從
小直沽河入者應報東河而山西商自五臺運木
由新落河至趙堡口謂之西河

謹案溫義河又有淀頭渠東西渠水入之淀頭渠

在新安縣東南十五里淀頭村首起大淀頭北五里之龍頭閘西南流五里會端村東西渠渠在縣東南二十里端村西北流入溫義河長流河一名長溝河十二里由太平閘入溫義河長流河一名長溝河又曰梁頭河方輿紀要卽長流河下流也明景泰中疏河引流自城西南隅過南門至東門外三里卽梁頭河東流達於瓦濟河新安縣志謂景泰間縣尹張勉以舟楫不通縣城關民無貿易遂疏此

河向北俾長流河自城而西而東過東關接梁頭
河東流入瓦濟然則梁頭河雖爲長流河下流其
實新安縣城河之別名矣攷長流河爲府河下尾
府河自石橋河而下梁頭河之名蓋亦通稱也

又案清苑河至安州爲依城河又東過西安入淀
爲長流河又東至西淀爲四安河又東至淀中爲

四角河高陽河入焉

畿輔通志四角河其南接高陽河卽沙滋唐三水下流自

保定府之祁州博野蠡縣高陽新安至雄縣由蓮花淀而入其西接長流河卽徐雹諸水下流也自

保定府之安州新安山四及河而入其北接白溝河之支流自保定府之容城縣分岔歷雄縣新安由燒車淀而入三河蓋四角河乃四及河之下流合流而東過趙北口而爲西淀中泓大小溝渠悉注此有容受涵蓄之功濁流皆澄由此導引也

東流逕雄縣孫家莊又東流逕楊河莊

亦名楊家莊

入任

邱縣西北境又東流七里餘其分支爲大港引河出徐家橋下下流穿大港淀仍入於本河

謹案大港引河清河支流也在清河南二里往時

同上游豬龍河之水入清河不能容納故開此河
分洩之又因下流白溝河匯永定河橫溢於清河
門清河水勢寬平濁流漲入尤易潰決由清河分
入此河以殺其勢河首起任邱縣西北五十六里
趙北口之西分清河一支南出東流二里逕趙北
口出徐家橋下穿大港淀又東流三里逕邢家溝
在王家港東又東北流入雄縣之南境清河分支
北趙北口東南流入之所以分清河門之水勢也又東北流五

里餘逕孫家嘴仍入於清河雍正四年重濬乾隆九年十一年二十八年三次開濬

其正支東流二里餘逕趙北口出廣惠橋下

方輿紀要趙堡口卽宋時唐興口也任邱縣志

趙北口在唐及五代爲唐興口宋世築堡戍於此爲趙堡口後以其地合漢末之童謡爲趙北口

畿輔通志趙北口居西淀之中舊有石橋八座白洋諸淀之水皆由橋下東流實西淀之咽喉也而

石橋卑隘雍正四年怡賢親王奏請易之以木升高加濶又增建三橋俾積淀之水暢然東注

分爲二其分支爲岔河今名馬道支河

謹案清河出廣惠橋下正流爲馬道正河乾隆二十八年濬其分支爲馬道支河乾隆二十九年濬往時清河出廣惠橋下稍折而北又折而東流至史家口復折而東南流又折而東北流別有一道自廣惠橋東分支至史家口仍合流俗名岔河自

乾隆三十九年濬後忽名清河爲馬道河岔河爲
馬道支河又因支河復於馬道河加一正字皆俗
稱也

東流四里逕史家口仍入於本河其正支東流屈北
又折而東流十里入雄縣東南境是爲清河間白溝
河自雄縣城南東南流入焉

謹案白溝河中易北易三水合流至雄縣西北會
涑冰是名白溝河又名大清河入雄縣境逕縣城

東而南又名雄河又南流入於清河是爲清河門
一名清口門在雄縣東南二十里白溝河入淀處
白溝河亦有清河之稱以其對渾河而言故其入
淀之口曰清口詳見涑水易水二篇 又案陳儀
蘭雪齋集白溝濁水出河門而橫截清流不得驟
下至藥王廟前復益拗折土人謂之鵝鶩此所謂
咽喉已通而胸膈未利者也雍正四年曾經委員
挑挖經汎之後其淤如故蓋白溝漲時近自諸山

而下推擁泥沙至輒填淤四十里之柴禾淀涸爲
桑田者十三四矣不加濬治則西來諸水漲溢無
歸若歲歲撈挖是勞費無已時也渾河入淀其害
往往而然欲爲一勞永逸之計必不使之入淀而
後可查白溝故道自新城之王祥灣東行至王槐
而南經涞河村而東至望駕臺迤邐東南過胡各
莊神機營而入茅兒灣河形宛在橋座猶有存者
若於水涸時挑濬深通則白溝全流必改由東注

然後將河門淺阻驚鵠拗折之處盡行開挖則西
來之清水遄行東注之濁水受刷亦補救之一奇
也蘭雪此說通志取之然白溝之水本清自永定
河決入故濁今永定改口久不與白溝通流所入
者惟金門閘以下減水河之水耳而西淀之淤如
故蓋唐滋沙之水自西南來府河之水山西而下
亦多夾擁泥沙若僅以爲塞以白溝俾循故里而
淀水可清河流得暢恐屬一偏之見然其所言故

道厯厯足爲講水利者考鏡焉

附明郭守謙開

河道以除水患議畧夫河之在保定者其南曰沙
曰滋曰唐曰一畝東皆來滙安新二邑經任邱之
趙堡口折入雄抵茅兒灣東下直沽入海者也其
東曰易曰徐曰曹曰鮑此四水者亦滙於安新聞
入雄易陽河曾茅兒灣東下者也若雄之西北則
白溝河自涑水過定興南遶雄城會茅兒灣矣其
東北則又有涿鹿之琉璃解

謹案涿州無解河此
即挾河聲音之訛

胡良等河決雄之馬務洪城等村會茅兒灣矣其
東南則有真定府之滹沱分流由河間決雄之王
村口魚鱗口等村會茅兒灣矣夫自沙滋而下九
河之害雄與新均受之白溝而下三河之害雄獨
受之然諸水之趨雄也分道者八而諸水之在雄
也惟一茅兒灣而已夫以數十河之水匯於一邑
而僅僅以束隘之一口洩之以故下流噎塞上流
吐溢今茅兒灣之北有古十王中亭二河以分殺

琉璃等河水者茅兒灣之南有灘柳藏糧二河以分殺渚沱水者歷年稍遠濁流漲淤河口竦起偶值熯乾之歲小民墾種其間幸得收穫恃爲成業外復築隄圍之而勢要之家復百計阻撓是望兩臺題請自茅兒灣以下直沽以上凡原有河道逾年淤塞者通行起工挑濬至於緊要之所亦相度便宜開鑿新河務使水循故道如渚沱則仍入灘柳藏糧二河如琉璃則仍入十王而易白諸水亦

析爲二流分下凡所挑濬務令河岸寬濶河身深
下廣濶則身有容受深下則水易涌洩其每河兩
岸又各築長隄夾之無使橫溢將見下流旣殺則
上流自平雄之壅塞去而安新之水有所歸矣安
新之水洩而沙滋以下之水無不順矣

又東流一里餘則有龍灣河自瓦濟門東南流入之
謹案龍灣河白溝河支流也長八里其入清河之
處有村名龍灣其名舊矣乾隆二十九年挑濬後

忽名密河俗稱不知何取也

又有鄭州五官淀之水北流出里長闌入焉

謹案五官淀卽武滏淀

一統志在雄縣東南七十里柴禾淀南方三十里與

任邱縣接界玉帶河在任邱縣東北三十五里鐵

所滙也舊名武滏淀

燈竿口二水由此而東入於柴禾淀自萬壽橋起

至王村口隄岸約長三十里任邱與雄縣南北中

分在任邱曰五官淀在雄縣曰蒲淀饒陽安平河

間獻縣肅寧一帶之水與柴禾淀相爲接連後以

積淤居民墾種遂致湮廢里長閘引河在任邱縣
北三十里首起鄭州橋一出城南雙關橋下一出
東城橋下一出北城橋下三支會流於鄭州城北
又北流出里長閘又北流逕柴禾淀入清河乾隆
二十八年開

又東北流五里逕孫家嘴與大港引河合又東北流
四里逕冰窖則有盧僧河會王克橋引河東南流入
之

謹案盧僧河淶水支流也拒馬河

卽淶水

會胡良琉

璃廣陽道闌諸河以中北二易水南流逕新城縣

東分支南流而成是河東南流逕百家池頭入雄

縣東北境又東南流逕王槐村淶河村大步村葛

各莊會王克橋引河又東南流逕道家務又東南

流至茅兒灣入清河長八十一里有奇乾隆二十

七年濬王克橋引河白溝河支流也白溝入雄縣

東北境分支東流出橋下又東流入盧僧河長二

十里有奇乾隆十年開

又東流三里逕茅兒灣是爲神機營淀則有史各莊
溝自古藏糧河分支流入焉

明史徐貞明傳順天真定河間諸郡桑麻之區半
爲沮洳上流十五河之水惟洩於茅兒一灣 畿
輔通志縣志清河逕茅兒溝入玉帶河在留鎮茅
兒灣方百有餘里上漚百川下通直沽水水至則
江海天成水落則洲渚星見神機之營地在焉

謹案神機營淀在茅兒灣北與相接連前明神機營也史各莊溝卽藏糧河支流首起雄縣東南六十里之史各莊西北流二里又折而東北流八里入於茅兒灣

又東流二里入順天府保定縣西北境又名玉帶河其分支爲月河下流仍入於本河其正支東流五里逕張青口則有維柳河之水出焉下流仍入於本河明史地理志保定玉帶河東流入會通河西南有

滋河與玉帶河合 〔保定縣舊志〕玉帶河其流有

二一西北自新城縣來有蘆溝拒馬挾河琉璃胡

良桑乾

〔舊案〕桑乾卽盧溝志並列非也

烏流白澗白溝曰北九河

一西自任邱縣來有黑洋一畝方順唐河滋河沙

河曰南六河俱滙於雄縣之茅兒灣入縣界爲玉

帶河 二統志滋沙滙三水舊自蠡縣引流而東

歷肅寧縣五千淀而達於雄縣之瓦濟河中堡玉

帶河皆其經流也後自蠡縣北入高陽歷新安雄

縣而出任邱之趙北口故道多湮

謹案維柳河首起保定縣張青口南岸之馬家莊
屈南流逕小聖廟又東流逕潘家莊又東流折北
逕何家道與古藏糧河合入於玉帶河長四里乾
隆十年因古河道重開張青口引河名月河卽清
河支流在保定縣西北十二里自玉帶河北岸分
支與雄縣接界自
茅兒灣分流東流逕喬家灣又東流逕張青
口北又折而東南流逕王各莊合於十望河乾隆

十年開 又案清河在任邱縣境長二十六里在
雄縣境長五十三里有奇又雄縣志東南二十五
里曰玉帶河自鄭州來今淤考玉帶河元史河渠
志本名陳玉帶河卽澍水舊流今故瀆由饒陽縣
入肅寧縣名中繕堡其下流又名玉帶河不知何
時移其名於保定縣之清河其來久矣估仍其說
乾隆十八年水利工程奏畧張青口以下應接
挑支河分淀河之水勢也查雄縣白溝清河與趙

北口等河西淀之水會歸東淀悉以張青口河爲
咽喉因其約束太緊於查勘初次舉行水利工程
案內於張青口之北另挑支河一道長八里又將
玉帶河之支流中亭河亦經挑濬深通二十九里
以分洩其勢現在此二處正路與支河兩路分行
河流舒緩如遇大水之年宣洩可無阻滯今查張
青口支河下口起至中亭支河上口止此一段玉
帶河河身灣曲逼近千里長隄計長二十餘里水

長之時隄工最爲險要今復加詳勘應於新挑張
青口支河下口再接挑支河一道就近直接中亭
支河上口計河長一千九百丈則自張青口以下
之水均得兩路分流水勢旣藉以舒徐而隄工亦
不致汕刷之險矣 〔乾隆二十八年水利工程奏
畧查東西兩淀以保定縣之張青口爲界張青口
以上爲西淀以下爲東淀西淀受唐沙滋易白溝
拒馬諸大川每當汛發夾帶沙泥不免水過淤停

所賴翕受甚廣尤在趙北口以東轉輸能速今趙
北口壘道橋十一座通流者纔二三處惟廣惠一
橋舟楫通行其下馬道河正支二股均應展挑寬
深惟是白溝入淀之清河門汛漲直射橫截上流
淀水出路乾隆十年於藥王廟前另闢大港引河
出孫家嘴以導西淀之水不與白溝爭路故大港
河甚闊緊要其下游尤須展挑寬深以資傳送復
查勘得清河門之東有窑河故迹長八里零再將

此河裁灣取直挑復其舊則白溝下游多一分洩
之路而清河門更無虞其阻截淀道矣又白溝下
游之蘆僧減河應自高橋起至茅兒灣酌量深淺
間段挑濬則新雄一帶可無驟漲旁溢之患其趙
北口各橋以下俱相度來水抽挑河槽俾其一律
深通以暢西淀水道又豬龍河滙唐沙滋三河之水
入白洋淀下口有正支二股今以支河爲順應
加挑濬長十一里六分零又大港引河南隄有里

長閘任邱西北積水之所疏消閘外淤高應接閘口開引河一道歸入大港河下游其閘內鄭州一帶卑窪屯水應於雙關橋並南城橋北城橋三處各開深溝導水歸入里長閘此閘舊磚剝爛應用新磚另建

又東流三里逕何家道口則有大藏糧河自任邱縣西附水注之又東北流二里逕王各莊則有王各莊引河出焉卽古十望河也下流仍入於本河又東流

三里逕擺渡口又東流二里逕張莊直縣城北十里
又東流南轉折而北流三里逕于家莊又北流四里
逕盧谷莊其分支爲中亭河東北流入霸州西南境
下流仍入於本河

謹案古藏糧河在雄縣東南五里卽趙王河下流
也趙王河達任邱縣石閘下入雄縣南北境沿千
里長隄屈曲行二十里許逕史各莊入保定縣西
南境又屈曲行五里至保定縣西八里之何家道

口與維柳河合入於清河一統志雄縣南有開河
相傳宋楊延昭浚此運糧考宋史曹翰傳太平興
國五年爲幽州行營都部署詔督役開南河自雄
鄭以通漕建議築大隄以捍之則不始於楊矣

又案十壅河今名王各莊引河卽清河支流在保
定縣東北六里王各莊之北上接張清口引河自
王各莊東流十里至霸州入於中亭河乾隆十一
年因舊河重濬二十九年再濬中亭河一名新挑

河霸州志新挑河在州南八里舊有古河上自蓮花臺下達臺下亘數十里歲久淤底諸水散漫

爲害明副史陸坤尋故道濬之
志北起霸州莫金口南保定軍父母砦合糧料回

淀爲一水衡廣二十七里縱八里其深六尺霸州至保定軍並塘岸最淺故咸平景德中契丹南牧

以霸州信安軍爲歸路元混一方輿勝覽回淀水東西二十七里南北八里霸州至保定軍沿塘岸

行其水最爲淺狹今按其方位里數當卽中亭十望二河也元時於此運糧又名運糧河時人稱爲

古河蓋未卽玉帶河分支在霸州南首起保定縣考所自耳

東北六里分玉帶河之水東北流一里逕六郎隄

入霸州西南境之老隄村則有蜈蚣河自固安縣

東南流入之

蜈蚣河在霸州西永定河支流也自固安縣西北金門開流出南流分支

入霸州西北境逕葉家莊高家莊凡八里入固安縣西南境又東南流五里復入霸州東南境又東兩流逕杜各莊中各莊穿六郎隄入於中亭河乾隆十一年於固安縣分流處橫築欄水壩一道後遂絕流今惟存舊槽而已

又東北流三里許則有牯牛河自

固安縣南南流入之

牯牛河本名溝流河又名莽牛河在霸州東亦永定河之

支流自固安縣金門開流出逕縣西南之牛垵河又分支東南流入霸州北境又東南流逕北落村又東南流逕塢上村南孟鎮金各莊范家莊關王堂凡三十三里至西栲栳園入中亭河

典以爲白溝支津由良鄉涿州固安霸州瀋治以洩白溝漲至高橋而下後因淤廢乾隆十年間

永定河金門閘用其舊槽洩永定之盛漲河流既改河名亦訛今永定之流分注時水河槽而已

又東北流三里逕栲栳圈又名栲栳圈河

霸州志在州東

十五里又東北四里逕魚廠村又東北流二里逕高

各莊又東北流八里逕臺山村又名臺山河

霸州志臺

山在城東二十里實九河所逕長安客話臺山有三如鼎峙沙城臺山二村皆平壤也土人云臺

山無山沙城無城

畿輔通志中亭河在霸州東南舊自雄縣之吳家臺流逕保定縣北入玉帶河

水發焉通舟水退則涸亦各新挑河亦名栲栳圈

河康熙三十八年開挑上接十望河下接臺山河

分減玉帶河水勢後渾河淤至勝芳下流遂塞而寸望河自張青口來者爲白溝流沙壅淤上流亦

斷雍正三年怡賢親王奏開中亭十望一河四年
工竣十望河之積水未開五年大水惟以興丁遂
罷十望之役自口頭對岸之下可門挑引河一道
分玉帶河水而注之中亭河一統志中亭河在
霸州南上自蓮花臺下達臺山歲久淤塞木創
康熙三十八年聖祖仁皇帝命河臣王新

命重濬上接十王堂下入臺山分減玉帶河水勢
築上下六工隄以衛州治及田廬增設州判領之
其後又淤雍正四年疏濬深廣自保定縣北引流
至州東臺山而入會同河復開支河以廣灌溉
入於清河北支雍正三年因古河重濬乾隆十年
二十九年三濬

其正支東流三里逕口頭村又東流二里逕太保莊

又東流二里穿魚津窪

方輿紀要莫金山在州南十八里相傳以莫金二
姓居此而名宋設莫金口寨於此舊名口頭村

霸州志玉帶河在州南十三里卽河口也西接保
定縣界

謹案太平寰宇記五渠水今名長鳴溝邢子勵記
後魏孫願捕魚於五渠水中忽有人謂願當得大
魚勿殺及去果得大魚遂殺食之風雨晝昏聞鳥

飛聲風息雨霽有人乘船至者云前後見羣魚無數飛入海因呼入海之處爲飛魚口長安客話霸州城南沙河與唐河合流處俗呼飛魚口卽魚津濠也一名五渠水又名長鳴水今魚津濠已淤爲平地有津名魚津窩不下百百古今川陸之異如此又案禹貢錡脂取水經漚水篇文而以冀字記証之任邱文安二縣界中爲古漚水所經宋初猶未改自咸平中興塘濬於是始引水歸北而

文安之瀆遂空其後滏水仍自蠡縣改流經肅寧
河間雄縣任邱以至文安而不復北行明時又由
雄縣改流入霸州保定縣界滏水卽唐河也與沙
滋二河合流於祁州之三岔口舊爲一河至任邱
卽入西淀其下東流與諸河會爲玉帶河明代人
所稱十五河之水是也長安客話及縣志乃專指
唐沙二河合流爲飛魚口而遺滋河且近舍現在
玉帶之名而遠尋上流來會之水求其形迹無可

指証非矣

又東流三里逕善來營又東南流三里逕苑家口俗
又名夾河

霸州志苑家口在城東十八里 方輿紀要苑家
口洪濤無際或謂之夾河 名勝志夾河源自上
谷涿鹿山合胡良河至州界

又東流是名通濟河西北流入於霸州城濠

方輿紀要通濟河自苑家口達栲栳圈以注於高

橋淀 〔城邑考〕霸州城下濠深一丈二尺廣七尺
界河在州北一里上接蘆溝下通東海卽宋遼分
界處今淤 〔霸州志〕通濟河由苑家口達栲栳圈
經關王堂山川壇而北入護城河蓋逆流也

又東流五里逕蘇家橋入文安縣西北境舊與渾河
合流名曰會通河又曰會同河

〔畿輔通志〕玉帶河至霸州會渾河東下名會同河
一統志會同河卽滌易諸水下流自保定雄縣

流入名玉帶河東流逕保定縣北又東逕霸州南
爲會通河亦名苑口河新志在州東十八里上接
玉帶河下至蘇橋以衆流至此合而爲一故名

陳儀蘭雪齋集會同河出自西淀之茅兒灣三十
餘河之以會也逕保定曰玉帶河至苑家口曰會
同河濶者二十丈狹則十五六丈每秋灋西漲怒
浪東來一川不足以容萬派之流則決何家道口
決鹿唾決下武各莊決保定縣幾無虛歲自雍正

五年中亭河成分流北去而玉帶之水十減其三
矣但河身本淺於正流則新開之牯牛河自北來
會汎發之際水挾泥沙復行壅淤則排濬之工誠
有不可一日緩者查中亭河隄上下六工係舊里
甲民夫修補伏秋防汎動逾兩月亦與文安大隄
之例同然上六工隄並無衝阻且支河平穩無汎
可防不若於水涸之時令隄夫挖河底俟防汎以
速易久民必樂從但令河成與正河齊平則分水

愈多不惟玉帶安流而下六工隄內之田皆可引而灌也

汾南中北三派亦曰三岔口其北支自三岔口東北流逕

皇恩亭東康熙四十年

聖祖仁皇帝巡視文安駐蹕蘇家橋

特詔蠲免霸州文安太城本年錢糧並節年積欠

御製七言律詩一首又

御書漢文帝勸農詔一篇賜直隸巡撫李光地文安縣知

楊朝麟勒石建于蘇家橋北岸

又北流逕孫家房復入霸州東南境又名通濟河

謹案清河過文安縣折北一支入霸州南自王堂

房起北流至臺山會中亭河又折而西北流逕

王堂山川壇入護城河又得是名卽會同河下流

也往時與白溝河與渾河合流於薊州東南而得

是名今渾河東徙白溝自清河門入淀與唐沙淤

清苑易電諸水混流皆非舊迹矣

又東北流四里逕賈家莊分支東流入於中支河又東北流一里逕臺山村與中亭河合則有韓家溝之水出焉

謹案韓家溝首起臺山東南自劉南莊東流六里許逕新家鋪又折而東流入於中支河

又東北流逕花達墓

二統志公孫渾邪墓在朔州東

又東北流五里

逕十間房分支南流入於中支河又東流五里逕王

家莊其分支爲劉家河東北流入於舊永定河東支
河其正支折而東南流復入文安縣東北境逕王家
泊其分支爲王家泊河東北流入於舊永定河東支
河

謹案劉家河在霸州東南五十里首起劉家莊王
家泊河在劉家河南首起王家莊俱分清河北支
之水東流入於津水窪之下尾會入勝芳河

其正支又南流三里穿郭家窪又東南流五里穿磨

磨淀分爲二其一南流逕大寺東與南中二支合其一東流穿落波淀又東流五里逕勝芳鎮又名勝芳河亦名運鹽河則有舊永定河東支河自霸州高橋村東南流入之

謹案郭家窪在紀家窪東南半里許磨磨淀在文安縣東北石溝村之西北西南爲新來淀東南爲慈姆淀西北爲郭家窪東北爲扣浪泊清河中支北支之所會直勝芳西南二十里落波淀卽扣浪

泊在勝芳西勝芳引河在文安縣北七十里之勝芳村南清河北支分流起村西至村東仍入於北支河長五里有奇乾隆二十九年開

又東流逕勝芳東二里分爲二一東南流穿蓮花淀紫草泊入大城縣北境合於南支入於臺頭河

謹案蓮花淀在雄縣西南十里方三十里卽宋時小蓮花淀也與高家港接連畿輔通志云新安高陽諸水所匯也紫草泊在蓮花泊東北三里許南

支卽永定河舊入東淀之路臺頭引河南北中三支所會又分支北流

一東流十二里逕大城縣之辛張村又名辛張河

謹案辛張河一名照直河以逕大城縣辛張村而

名又東北流入霸州境又東北流逕策城

舊作折城霸州

志在州東八十里

又東北流逕寨上又東北流入靜海縣

境又東北流入於楊芬港長三十一里有奇乾隆

十年濬二十九年重濬

乾隆四年協辦大學士

劉於義直隸總督高斌奏畧東淀河宜開通徑直
以暢尾閘查沿河之道迂曲則易於淤狹而直達
則易於暢流況淀池地方

陵橋漕船往來經由所關匪細今查看河身淤曲訪有勝芳

舊河一道東北直注形勢逕捷土人名爲照直河
應卽開通湮塞使水道一直暢流再楊家河自莊
西下河頭應展挑寬深又自東北中河頭應裁灣
取直其蛤蜊口一併開拓歸入大清河

又東三里餘復入霸州極東境又東北流穿小淀鵬

鴻淀入靜海縣西北境合於羊芬港

一作楊芬又名楊芬又作羊漢

運案小淀在佛堂淀南三里許鴨鵝淀在小淀東

稍直北佛堂淀東南勝芳東流穿之而過

其中支自三岔口分流東南流五里許逕趙家房入

霸州東南境之趙家莊爲古運糧河

運案運糧河在霸州東南二十里相傳元漕河故

道也北接清河北支首起王家房東南流入文安

縣境逕趙家房入清河中支長四里有奇乾隆十
年重濬

分支西北流入于北支河又東流折南轉北凡四里
逕崔家窑又分支入于北支河又東流三里許仍入
文安縣東北境又東流十二里穿托蓮淀鴻鵠港筆
筒泊沙尖淀

謹案托蓮淀在曹家泊北鴻鵠港在托蓮淀北筆
筒泊在鴻鵠泊陳沙尖淀在筆筒泊東託蓮鴻鵠

筆筒沙尖四淀相接連

逕南樓又分二支一南樓入於南支河一北流入於北支河又東流穿磨磨淀逕大寺東與南北二支會於石溝村其南支自蘇家橋沿千里長隄東南流四里逕下馬頭分爲二一東流穿蒼耳淀逕任家莊會張家嘴河

謹案下馬頭引河分清河南支首起蘓家橋東下馬頭東穿蒼耳淀曹家泊至石溝村仍入於南支

河長十八里有奇乾隆二十九年開濬張家溝河
在下馬頭東南首起陳家窩分清河南支之水東
北流穿張家窪逕任家莊東流長七里有奇乾隆
十年開 文案蒼耳淀在文安縣北少東五十里
西距保定縣三十里周數十里在下馬頭之東會
同河南支中支之間南支穿之而過雄縣志云方
三十里泛則漲天涸則匝地一統志云在雄縣東
南十五里諸志皆謂在雄縣境而今乃在文安境

中隔保定霸州距雄縣甚遠猶狐狸淀水經注謂
在任邱縣境而隋書地理志太平寰宇記皆謂在
文安縣川原移易不可得而攷也

又東流逕王家疙疸又東流五里穿曹家泊逕左各
莊仍合於本河

謹案曹家泊在石城定東北左各莊引河首起左
各莊分清河南支之水北流逕左各莊北分爲二
一北流五里許至南澗入清河中支一東流折南

三里許入清河南支

一東南流二里逕崔家莊又東南流四里逕張家嘴
則有張家嘴河出焉下流仍入於本河又東南流逕
西馬頭堂頭折而東北流逕石城淀

謹案石城淀在文安縣東北四十八里

又東北流凡十八里逕左各莊又分爲二一東北流
爲左各莊河下流仍入於本河其正支又東北流入
里逕石溝村亦曰石溝河逕大寺下入磨磨淀與中

北三支合

畿輔通志玉帶河至霸州分三支俱流逕文安縣境散入石城等淀本河正派至州東無梁閣名邊家河又分一支入永清縣界名信安河其分流曲折而東入文爾諸淀又東逕東安縣界爲呂公河今諸河俱已改流惟栲栳圈一河南北相望卽中亭河也 二統志玉帶河逕蘇家橋河流至此分爲三道一東南行通運鹽河流淺易涸其正流東

北行不及三十里爲王家莊自蘇家橋而下俱謂
之淀泊水發則漫無涯涘水涸則蘆荻彌望今諸
河俱已改流惟中停一支與玉帶河南北相望其
下自霸州東三岔口分爲三派一東北逕臺山曾
中亭河又東北出紀家淀逕勝芳鎮曰勝芳河爲
北派一東流由趙家房逕托蓮淀出郭家窪會勝
芳河爲中派一東流由下馬頭逕崔家房張家嘴
抵左家莊泊曰石溝河爲南派其支流從石溝南

出緣大隄而東在左家莊仍入於石溝河三派兼至臺頭會流曰臺頭河

謹案南派一支逕下馬頭穿蒼耳淀由任家莊王家疙疸至左各莊者此其正流也其由下馬支頭沿千里長隄東而出自崔家莊以至左各莊仍與南派合者乃其另支也嗣因南派正流淤塞遂以另支爲正流乾隆二十九年重濬始復舊迹 又案方輿紀要文安縣西境有石溝河柳河急河三

水皆聚流於火燒淀考今文安縣西北村名有急
流口當卽文潭所在亦卽急河故處也東北四十
里有柳河村當卽柳河故處今皆湮爲平陸無蹟
可尋矣惟石溝河尙存然今之石溝河以清河南
中二派會流逕石溝村而名東流入於大城縣境
古之石溝河應南流入火燒淀名存而實異矣

其正支又東南流四里逕傅官營則有子牙河自大
城縣之王家口西北流入之今已斷流營北又有支

河山焉北流入於中支河又東流十里入大城縣西北境又東流四里逕臺頭村名臺頭河往時子牙河自靜海縣之莊兒頭東北流入焉今已斷流其分支曲折南流至於莊兒頭逕隔淀隄而止勝芳河東南流與正支會

乾隆二十八年會勘水利工程奏畧西淀水過茅兒灣至張青口以下爲東淀之玉帶河水道迫東近隄應將中支河通行挑濬長二十八里五分下

大臺山以分玉帶河之勢乾隆十年曾挑王各莊
引河亦爲分張青口之水均應濬治開寬以暢東
注其自苑家口迤東支分派別有南北中三股玉
帶河之出孫家房者東南逕下馬頭過崔家房至
左各莊迤石溝名會同河復由臺頭出羊芬港是
爲南股應於下馬頭起穿蒼耳淀達張家嘴河又
由王家疙疸至左各莊接連挑通直河一道其自
臺山過十間房王家泊繞至勝芳者爲北股自孫

家房由趙家房崔家窯過南澗歸勝芳者爲中股
與北股俱由辛張出羊芬港此三股實爲全淀之
腹心必須倍加寬深使之周通輪注悉資暢達勝
芳一帶葦草糾結有碍河流之處應酌量刨除以
免塞隘再查勝芳河本屬深通因上年南北二支
台并於此一河兩岸民居夾峙不能寬展暢注應
於村南另開引河一道東接勝芳正河同出辛張
入羊芬港尤資分洩又自八里河口至楊家河葦

淤數段並請清理

謹案會同河爲東西兩淀之樞紐西淀諸水惟憑
會同一河傳送而至東淀康熙中永定河決於新
城之九花臺南里諸口繞霸州城西而南入濁流
浩瀚時或南潰三十七年故河由固安東流入淀
而會同河得以安流但衆派合滙每遇湍潦苦難
容納雍正四年又濬中亭河分減其勢正流始順
乾隆十年子牙別爲一河而會同入淀之經流至

臺頭而下達者更無哽噎之虞今自三岔口以下
統名曰大清河又爲東淀之經流勝芳石溝二河
總歸臺頭一河經羊芬港而出楊家河至三河頭
下流爲淀河河身橫亘一州六縣霸州保定文安東安武清靜海
天津當南面之巨浸自西迄東納受諸河而達之海
長隄巨防障其潰決清汎急湍資以轉輸支幹雖
移會歸則一也

又東流折北一里餘分爲二一東北流穿蓮花淀紫

草泊入大城縣西北境穿西灰窩東西張窩泥鰍港
入於臺頭河一東北流穿車道泊東西义子泊團泊
麻地泊入大城縣西北境逕臺頭又名臺頭河則有
子牙河支流逕黃汊北流入焉

謹案西灰窩在麻地泊北西張窩在西灰窩東東
張窩在西張窩東泥鰍港在傅家莊泊北車道泊
在傅官營東南蓮花淀之南西汊子泊在車道泊
東團泊在西汊子泊東東汊子泊在團泊東四泊

皆相連麻地泊在文安縣東與東漢子泊相連當

清河南支南岸子牙支河有三一自大城縣屬王

家口分支西北流逕莊兒頭名黃汶河方輿紀要黃汶河在

大城縣東北八十里其上游即易水也自安次縣分流入縣境又東北入武清之三岔港又西

北流十五里逕灰窩在東蓮花泊北三里許即宋史河渠志之灰淀也又

東北流逕陳家坑在大水套東里許清河南支分支穿過又東北流

五里逕四角淀又東北流三里逕靜海縣閻家鋪

閻家坑在四角淀東北四里許又東北即羊芬港入於楊芬港在靜海西北五十里

清河一自靜海縣獨流北西北流逕蛤蜊泊在靜海縣

城西又北流五里逕茅六鋪泊又北流三里逕閭

家鋪與莊兒頭一支合於楊芬港一自茅六鋪泊

分流三里逕後泊在蛤蜊泊東北里許又東北流三里逕烏

龍泊又東北流三里逕蒲泊又東北流五里入天

津縣西北境逕蒿浪泊俗名郝浪泊下為楊家河入於清河今

皆為隔淀隄所限已斷流矣

又東北流四里穿灰窩入靜海縣西北境之大水套

又東流折北穿蛤蜊泊又北流折西逕羊芬港又名
羊芬港河與辛張河合

〔謹案〕大水套在靜海縣西北與大城縣之東蓮花
泊相接

又分爲二一北流逕鵝柳樹其下流直入武清縣之
王慶坨匯於三角淀今淀淤而河亦遂絕

〔畿輔通志〕玉帶河下流之信安河已成陸地卽勝
芳辛張逕褚河東沽二港達王慶坨之一又名昌

公河者亦無河形雍正四年怡賢親王於郭家務
改永定河東流復開下流之長洵河引運三角淀
而注之河頭與清河會周築三角淀圍隄以防其
北軼後長洵河淤塞絕流三角淀所餘無幾於是
散漫南行頭道二道河皆成斷港 一統志玉帶
河又東可十二里與信安鎮之支河會又東可十
餘里得新開河口卽鹽河也又東可二十餘里爲
褚河港南岸有河口謂之張子河分流三十里合

於王慶坨河又東北曲折可八里爲東沽港又東五十餘里爲王慶坨有河口亦鹽河分派也自王慶坨又東卽三角淀也

東安縣志雍正三年興

修水利令引渾河別由一道於永清河之郭家務改河東行由冰窖武家莊逕東安之狼城宋流口東沽港至武清之長慶坨歸長洵河入三角淀渾流容衍於淀而大清河遂得湍駛歸津十餘年來頭道二道等河月城黃花等套自南而北日漸淤

平三角淀盡成沃壤棄淀亦淤其半 武清縣志

雍正四年所挖清光引河五年所開長洵直河與
三角淀俱爲渾泥淤墮頭道河二道河盡成斷港
絕流

謹案清河爲洵水之經流自西淀東出雄縣茅兒
灣逕保定縣張青口霸州三臺山過文安縣石溝
逾大城縣臺頭入灰窩大水套陳家坑蛤蜊泊第
六舖泊支流錯出所在不一而總滙於羊芬港則

靜海乃淀河并束處也宋時與契丹分界惟恃塘
濬所謂界河者卽此矣至獨流一帶當未築隄埝
之時南北水俱可通流在金又謂之天津河其照
道河卽勝芳舊河在文大保道四州縣界乾隆計
年以大清河流由勝芳抵臺河達羊芬港長七十
里而勝芳之東三里許舊有廢河在辛張之南東
行抵羊芬港渠形逕直達沽甚捷興役開挑迄今
順流舟行稱便

其正支東北流八里穿蒿浪泊入天津縣西北境是爲八里河口又分爲二東分支東北流沿隅淀大隄凡三十里逕韓家樹仍入於本河其正支屈曲東流凡二十里逕楊家莊又名楊家河則有線河顛兒河入之又有楊家引河出焉又東北流四里逕三河頭又名淀河

二統志玉帶河又東逕楊家河入淀河三岔口至楊家河一百四十里而沽在天津縣北自武清縣

滙三角淀之水與白河會注於直沽形如丁字故
又名丁字沽其上流今總名爲淀河 天津縣志
淀河在縣北五里永定子牙清河之會流也自河
頭丁字沽入北運河長四十里淀水浩淼至此始
有岸岸故名河頭

謹案八里河楊芬港河下流也楊家河在天津縣
西北四十里卽清河正流以經楊家村而名是爲
東淀下口楊家引河因楊家河形灣曲水流不順

別開此河以殺其勢長二里有奇乾隆八年開下
流仍入於楊家河又楊家支河在清河之南沿隔
淀隄而東與清河南北分流僅通小艇民間取道
近便多由此河水大之年亦可行巨艦向無名稱
今以其與楊家引河並首起楊家村故以楊家支
河別之 又案線河辛張河支流也辛張河合楊
芬港河往時分支北流逕柳樹東北入武清縣
爲王慶坨河會永定河入之三角淀後爲永定河

古埧之所限於癘柳樹斷流其沿南埧東流者又有是名又東流三里入天津縣境又東流二十五里逕三河頭其下流又名顛兒河亦名啞吧河線河下流東流逕三河頭之北又折而東南流仍入於清河

又東流三里逕青光又東流五里則有鳳河之水自西北來入之卽今永定河下尾出口之道也

謹案青光以村而名引河清河之支流也在青光

之東北西接顛兒河下流雍正四年開乾隆十年
重濬鳳河自

南苑東流逕武清縣又南流入天津縣東北境合永定
河四十二年疏濬團河水源旺盛藉滌永定之濁
團河者鳳河之源也

南苑亦名團泊在黃村門內六里許 又案畿輔通志
一統志皆以淀河爲永定子牙合流自乾隆十五
年築閘淀大隄子牙已不與清河會而永定河遷

徙不常近年以來直至西沽入鳳河合清河非復諸志所云之水道矣

迤南又東流五里逕韓家樹又東南流七里則有王家河自子牙河分支穿隔淀隄北流入焉又東南流八里則有于家河自子牙河分支穿隔淀隄北流入焉

〔謹案〕土家河在天津縣西北八里于家河在王家口東二里乾隆十年建築隔淀大隄改導子牙河

俾清渾各不相侵復緣子牙河下流建餽逼急特
於天津縣西北王家地于家村開設二口建橋其
上汛大則引子牙濁流入淀以洩異漲汛退則導
東淀清水入河以刷泥沙

又東流二里逕炮臺又東流出西沽浮橋與北運河
合流於天津府城東北隅而入海河

謹案清河之名見於水經古矣沽水篇云又東至
離奴縣入笥溝又東南至泉州縣與清河合東入

於海清河者派河尾也酈道元註云沽水又東南
合清河今無水清淇漳洹潞易滎濡沽潯沱同歸
於海故經曰派河尾也派水今沙河與唐滋二河
合入於淀舉派一名而二水之合流可知道元又
申明其說以十河並注於此且不特此也濕餘八
沽則亦一水鮑邱合沽則又一水也北方之水惟
灤河獨自入海道元所云濡水卽北易水也與近
代之所謂北九河南六河及文安縣志所數南北

諸水滙爲東西淀無不合者自唐以後水經注全
書失傳鮮有能習之者卽此一河世惟知有玉帶
中亭通濟會同之名不復知古有清河之名矣或
又以玉帶河爲運河因雄縣趙王河爲宋藏糧河
趙家房東有元運糧河卽以名之其實今淀河中
不復關漕事也 徐貞明潞水客談口外諸山之
水自京西蘆溝橋而下經固安永清至於信安滙
於三角淀達於直沽入於海良涿九川之水會於

胡良河自楊家務而下經北樂店東過辛店至於
信安此霸州以北之水也宜府白溝紫荆諸水自
新城而下滙於茅兒灣經保定玉帶河達於苑家
口至於信安直沽入於海易安苑肅唐縣九河之
水自雄縣而下東過茅兒灣入於苑家口山西五
臺之水自河間而下經任邱滙於五官淀亦入於
苑家口此霸州以南之水也南北二川東狹淤淺
隄岸蕩激不足以容萬派之流水至則彌漫無際

漫入文安大成積成巨浸民不得畊治之決不以
壅而以導不先於決口而始於下流按直沽之上
有大淀有小淀有三角淀廣延六七十里深止四
五尺若因而增益之又爲之隄以停蓄衆流而以
委輸於海水有所受然後濬治舊川爲長隄以束
之高廣倍於前功使水有所行又多開支河聯絡
相屬使水有所分見在窪淀數十處各深而隄之
使水有所積則雖有滛潦大川瀉之支河析之諸

淀潞之高隄防之可以無患矣陳儀蘭雪齋集
清河爲東淀之經流其派有三分自會同河之三
岔口逕臺山出紀家淀而入勝芳河者此西派也
由趙家房逕托蓮泊出郭家窪而入勝芳河者此
東派也由下馬頭逕崔家房入張家嘴至左各莊
泊入石溝河者此南派也循大隄而東逕西馬頭
堂頭左家莊會於石溝則其支派也勝芳石溝二
河總歸臺頭一河逕羊芬港而出楊家河楊家河

至三岔口計長一百四十里自永定入淀之後勝
芳河淤而東西二派無下口張家嘴淤而南派無
正流惟沿隄一河寬不過二三丈深不過五六尺
其何以容西來潏決無涯之巨浸乎雍正三年自
崔家房以下決隄凡處文安城郭幸而僅存然亦
已危矣怡賢親王親臨相度形勢開勝芳河十七
里而東西下口二派遂通挖張家嘴河五里而沿
隄一支分流北注又於上流開挖中亭河自口頭

杖起分引玉帶河水入寧山河其下流石溝壩頭
淤淺之處築行疏濬數年以來清流湍駛隄防晏
如霸保文大之間禾黍豐而秔稻熟民享樂利皆
賢王治淀之功也然諸河多經由泊港菰蘆荇草
鬱生密布壅水竭流泥沙留滯則淤而淺淺而塞
不加濬治一二年間復成斷港矣雖分隸河道統
轄但河官習氣不知有河惟知有隄蓋修築易於
興功漫決或以致罪故動色相戒耳至於湮之通

塞河之淤暢俱在茫茫積浸中爲考成所不及誰
復過而問焉殊不知淀河一塞分消無路西來之
水并趨隄下一遇積雨瀑漲頃刻數尺雖有人力
將安以施三年之患將復立見故防隄而不加意
於河非計之得也七年六月予奉王諭委令防隄
纔一到工卽以清理淀河爲急務督同地方官鳩
集人船芟除鬱窄剗刈菰蘆下流之滯碍甫通則
隄下之水狼頓減秋汛壘至旋卽消落爾時扁舟

往返徧歷諸河所勘情形瞭然可數也中亭河苦
淺趙家芳河苦淤張家嘴河挑挖未達於淀泊沿
隄一河自堂頭以下至壩嘴頭亦苦淺阻右溝通
勝芳一河苦隘勝芳通臺頭一河苦淺計其里丈
總非大工若於里甲隄夫內抽丁分浚抵免伏秋
防汛民皆樂從調劑之宜一良有司足辦矣若欲
規其久遠則設辦船募奴夫專官定考成有缺
不可者

西淀跨保定府之安州新安雄縣高陽河間府之任邱縣境起自安州高陽新安任邱四縣之白洋淀東迄任邱縣之柴禾淀西北迄新安縣之燒車淀自白洋淀東北爲端村

畿輔通志南高陽西安州東任邱北新安四處環之而新安十數村居其中 一統志新安縣南有

杜家淀周圍十餘里縣東有鴨圈淀長流河所豬楊家淀在鴨圈淀南王家淀在縣東皆與白洋淀

相連新安縣志卽九十九淀之一也自楊村入
蘭家圈口至新安入瓦濟河明洪治前地可耕四
圍徵糧中係牧馬後旱澇頻仍自嘉靖二十年後
淀水汪洋浩淼勢連天際

謹案白洋淀有東西二淀西白洋淀在新安縣南
十餘里南北袤三里東西廣二里東距東白洋淀
水路六里新安任邱二縣共之東白洋淀在新安
縣南二十里直端村之南

亦名
吹村

南接任邱縣西北

五十里之關城村與安州高陽接界南北袤十里
東西廣八里高陽安州新安任邱四縣共之高陽
新安得十分之八安州任邱各得十分之一白洋
淀名見宋史河渠志洋本作羊古無東西之分因
淀目淤高遂中分爲二水小之年東西二淀中有
河路通行相距六里水大之年仍混爲一

又東爲郝淀在白洋淀東新安縣東南二十里直白
洋淀東北端村東南又東爲小郝村淀東南曰前潭

淀

通志潭作堂

後潭淀在任邱縣西北四十里俱南北袤

三里半東西廣二里前潭至後潭水路半里新安任邱兩屬新四任六又東南曰興隆淀

謹案興隆淀本名居龍淀康熙間改今名任邱縣志在唐隄之西南爲前潭後潭衆水所歸

又東北曰范車淀張家淀又東北曰虎皮淀南北袤一里東西廣二里水路二里至平陽淀南北袤四里東廣西三里水路二里至池魚淀南北袤二里東西

廣三里水路二里西北至絲窩淀南北袤二里東西
廣二里半水路一里東至江水南北袤一里半東西
廣二里水路一里東至王家港南北袤二里東西廣
一里半東北至施北門二里又東南爲十方院又東北曰邢家
溝大港淀

〔謹案〕自前潭而下十三淀皆在任邱縣境直縣治
西北而見於府縣志止前潭後潭平陽虎皮池魚
絲窩大淀其餘皆俗稱也〔又案〕邢家溝大港淀

已見原委東西兩淀與諸河不同凡已見前者皆
次第重叙紀其目也不復詳註

又東曰柴禾淀又東曰五官淀蒲淀掘鯉淀

太平寰宇記掘鯉淀在鄭縣西二十里俗名堀柳
淀又狐狸淀在任邱縣西北二十里水經注云鄭
縣東南開水有狐狸淀俗亦謂之掘鯉淀非也淀
中有蒲柳多葭葦任邱縣志掘鯉淀在縣東北
旱則飛沙水澇則溟海卽九十九淀之一

謹案此爲淀名之最古者左思魏都賦掘鯉之淀是也寔字記所引水經注今本無之蓋佚文也然以狐狙爲非掘鯉則似二淀矣今皆不知所在無可考矣

柴禾淀之曰北茅兒灣

一統志柴禾淀白溝河諸水皆匯於此淀北岸有渾河舊口東南岸有玉帶河口折而東北爲茅兒灣清河之水由此東趨保定縣

謹案柴禾淀在雄縣東南十餘里長三十里

又北曰神機營淀又西曰清河門又西曰黑洋淀在
雄縣東南又西南曰趙北口在任邱縣北六十里北
至雄縣十二里路西淀之中南去十方院二里又北
曰高家港在新安縣東四十里距趙北口五里又北
曰窩蘿淀一名絲羅淀在高家港北屬雄縣境

雄縣志窩蘿淀方七八里在郝家村

又西曰蓮花淀勞家淀蔡家淀石曰淀

謹案勞家淀卽宋史勞淀也石曰淀今涇雄縣志云方五里與新安相半其形如臼畿輔通志與蓮花淀相近者有石曰淀太平寰宇記任邱縣神曰三郡記云任邱縣南三十里有一石曰受物一石二斗昔有沙門移之至寺經宿血滿其中仍歸舊處復淨如婦疑卽石淀曰所由名也

又西北曰梁大淀直蔡家淀西北在新安縣東北三十里又西北曰通流淀一名流通淀在雄縣西十里

聖祖仁皇帝水圍

方三十里又西南曰燒車淀滙於郭里口

行宮在焉

新安縣志燒車淀渾易二水所滙

一統志南北

二十餘里與白洋淀接

謹案燒車淀有東西二名皆在新安縣東十餘里其連通流淀者土人稱爲東燒車淀又西十人名曰西燒車淀二淀相通周圍四十里郭里口在新

安縣東二十里衆淀環之

東雙淀蔡家淀勞家淀蓮花淀北衆古淀流通

淀西北繞車淀西惟圍淀西南光華淀南河洛淀龍王淀東南光淀絲窩淀

郭里口之東曰雙淀又南三里曰河洛淀南北袤一里半東西廣一里新安任邱兩屬新七任三水路一里南至光淀直郭里口東南一十二里在任邱縣西北五十三里南北袤三里東西廣二里水路半里南至龍王淀新安任邱兩屬新三任七南北袤一里東西廣三里又西一里爲洛注淀新安任邱兩屬新三

聖祖仁皇帝水圍

行宮在焉

任七南北袤二里半東西廣二里漚於圈頭

謹案洛汪淀今俗訛爲落網淀明成祖過此命軍

士築臺名曰樂駕今淀北里許尚有址則是洛王

當爲樂王也圈頭在新安縣四十里衆淀環之

東北

池魚淀東平陽淀東南虎皮淀張家淀范市淀西南次麥淀西北小麥淀洛汪淀北光淀

圈頭之西曰大麥淀在任邱縣西北四十里南北袤

一里東西廣一里小麥淀在新安縣東南三十里中
麥淀又在小麥淀西北皆相連接又大麥淀西小麥
淀東曰萆子淀萆子淀東爲石猴淀又東卽郝淀又鴨圈
淀俗訛爲維園淀直燒車淀南在新安縣東八里其
東南爲光華淀光華淀西南爲楊家淀楊家淀北爲
王家淀滙於端村

謹案端村在新安縣東二十里衆淀圍之北楊家淀光華

淀維園淀東北中麥淀小麥淀東郝淀石
日淀東南前潭淀後潭淀西南白洋淀

聖祖仁皇帝水圍

行宮在焉

計東西袤一百二十里南北廣二三十里至六七十
里周圍三百三十里中爲趙北口西自安州來者曰
依城河府河下流也凡會十三水曰滿城縣之渝水
魚水完縣之濡水蘇水蒲水五雲水流九水唐水
都縣之博水九龍泉水清苑縣之沈水安肅縣之曹
河易州之徐河西北自安肅縣來者曰霍河

卽前凡
易水

會五水曰易州之孔水蒺水安肅縣之曲水河雞爪
河萍泉河合之木河共六河西南自高陽來者豬龍
河滹滋沙三水下流也凡會二十三水曰廣昌縣之
倒馬關水溫泉水一名湯河曲陽縣之恒水漱玉泉水三
會河靈河唐山縣之唐河一名逆河雹水河灣里河定
州之荻水盧奴水清水阜城縣之北流河鷄子河班
峪河臘脂河平陽河當城河唐縣之曲河郃河汶河
新樂縣之木刀溝水浴河合之滹滋沙共二十六河

北自雄縣來者曰白溝河巨馬河下流也凡會二十

七水曰涑水縣之涑水范水檀山水石泉水白淵溪

水清水河道闡河易州之易水

中易濡水一名北濡水也即北易水

源泉水子莊溪水白楊水軍士川水灌河五里河宛

平縣之丹陵泝水房山縣之防水良鄉縣之琉璃河

廣陽河鹽溝河涿州之桃水胡良河挾河凉水河新

城縣之斗門河紫泉河其爲七十二河故曰七十二

清河總滙也

東淀跨順天府之保定霸州文安大城東安武清天津府之靜海天津八州縣境西自茅白灣過張青口至保定縣曰玉帶河至苑家口曰會同河過蘇家橋曰三岔河凡西淀之水悉匯焉西自蘇家橋東抵楊家橋三河頭東西袤一百四十餘里往時子牙河由王家口入淀永定河由柳岔口入淀北自東安之東沽港南至靜海之獨流坑南北廣一百餘里後永定改由三角淀入河頭子牙另爲一河築隄分隔淀水

所至南北相距僅五六十里周圍四百餘里地雖廣而淀多淤其名亦不可悉數矣

畿輔通志東淀延霸州文安大城武清東安靜海之境東西直百六十餘里南北二三十里及六七十裡不等蓋七十二清河之所匯潴也永清河自西北來子牙河自南來咸入之

今其可考者在保定縣曰張青口荷花淀糧料淀

謹案張青口在保定縣西二十里自口而西爲西

淀自口而東爲東淀荷花淀糧料淀俱在保定縣
西北糧料淀今淤

在霸州者魚津窪苑家口川家套楊家套郝家套長
港窪金水窪高橋淀堂二淀佛堂淀小淀鴨鴻淀

謹案苑家口在霸州東南十八里清河至此衆流
會歸故有會同之名焉田家套在霸州東四十餘
里之田家口東田家套東爲楊柳套又東爲郝家
套又東南爲長港窪在高橋村之南金水窪之水

往時穿之而過金水窪一名津水窪在霸州東五

十里郝家套東北永定河東支之所歸也今淤高

橋淀在霸州東七十里之高橋村東今淤

畿輔通志在霸

州東南七十里周圍百里其西爲栲栳圈衆流所聚也東南爲柳汭河入文爾淀

方輿紀要高橋

淀周圍堂二淀一名文爾淀在霸州東七十里之

堂二村與高橋窪相接

畿輔通志在州東七十里東分二流形如八字名

八字河下流霸州志畿輔通志一統志皆謂高橋

淀卽大浪淀今考大浪淀在高橋淀之東中隔堂

二淀似高橋淀非卽大浪淀也佛堂淀在大浪淀東五里今淤又南爲小淀又東爲鴨鴻淀在東安曰琅川淀在縣南七十里往時清河北派由之入磨漢港

在又安縣曰蒼耳淀文潭

〔謹案蒼耳淀縣北少東五十里文潭在縣東北三十里之急流村卽急流口也今村西有河形起自張家口南行約五里許又村西有石橋一座橋南

有大窪勝河之中卽文潭故址也潭面北有廣陵

故城舊居

方輿紀要廣陵城在縣西北二十里與保定郡接界

又柳河村在

急流村東四十里河形已沒不可尋求村有文安故城舊基漢縣令趙葵祠尚存

縣東北七十里爲勝芳淀古武平亭也蒼耳淀東南爲張家窪縣東北四十里爲石城淀又東北爲曹家泊曹家泊東二里許爲秋麥淀北爲托蓮淀托蓮淀北爲鴻鵠港又東爲筆筒泊又東爲沙尖淀縣東北

石溝村之東南爲黑母淀黑母淀東爲蓮花淀亦名
蓮花泊蓮花泊南爲車道泊東爲西叉子泊又東爲
團泊又東爲東叉子泊與麻地泊相接東北爲紫草
泊石溝村之西北爲磨磨淀磨磨淀東北爲落波淀
一名扣浪泊東南爲慈姥淀西北爲郭家窪又西北
爲紀家窪紀家窪東北爲小淀又東爲蔡家淀與霸
州之長港相接石溝之西南爲小東泊又西南爲大
港大港東南爲丁字淀丁字淀東北爲汪家淀汪家

淀南十里許爲荷葉淀縣東北之宗口里南爲趙家泊卽趙淀也

謹案太平寰宇記滹沱河水在文安縣西北三十里東溢爲趙淀今淤黑母淀在石溝村東南西距慈姥淀半里許往時子牙河北流逕傅官營穿之而過至溝會清河

縣東南五六里許爲牛臺淀東北七八里許爲火燒淀今淤

元史河渠志自瑣井口開鑿至文安玳瑁口以導
樂水經火燒淀轉流入海 畿輔通志火燒淀在
文安縣東二十五里廣四十餘畝東北有石溝河
柳河急水河皆聚於此

縣北三十里爲白龍淀在朱雀房南西北直蘇家橋
三里許

謹案白龍火燒牛臺荷葉四淀今皆在千里長隄
內不與東隄相通矣

在大城縣曰李子淀在縣北少東五十里東距子牙河東隄數里

采史河渠志東起信安軍永濟渠西至霸州莫金口合水紋淀得勝淀下光淀小蘭淀李子淀太蘭淀爲一水

縣北四十里爲蔴窪淀與文安接境其西數里卽牛泉淀又臺頭村西南三里許爲韓家泊黃義村東爲大槽子泊大槽北里許爲傅家莊泊又北爲泥鰍港

泥鰍東接蓮花泊又東半里許爲東蓮花泊東蓮花
北三里許爲灰窩

謹案灰窩與靜海縣接境卽宋史河渠志之灰淀
也

西灰窩在蘇地泊北西灰東爲西張窩又東爲東張
窩西灰東北爲小清泊東灰西南爲白蒲淀又三家
淀在縣東北今湮

謹案畿輔通志三家淀爲大城文安靜海三縣之

交文大之間由此北下明萬曆中靜海民築堤障
水文大兩縣俱被水害縣令梁綱請於撫按開之
此淀今不知所在又安亦不與靜海連境也

在東安縣東南曰褚河港往時清河此支由高橋信
安下入褚河港東沽港歸三角淀今淤

在武清縣東南曰東沽港今淤縣南八十里曰三角
淀古離奴水也一名笥溝亦曰葦淀東西袤六七里
南北廣十餘里往時永定河子牙河大清河咸入之

今皆改流惟清河經此

永經沽水又東至雍奴縣西入筍溝遼史游幸

表興宗重熙八年八月獵於武清之葦甸明統

志三角淀周圍二百餘里范甕口王慶坨河掘河

越深河劉道口河魚兒里河諸水所聚東會袞沽

港入於海名勝志武清縣南有三角淀古雍奴

水也

謹案三角淀之名不知所自昉太平寰宇記古三

角城在文安縣西北二十里後趙石勒築是冰城
名爲水所渚卽以其名名之淀向爲東西二淀七
十二清河之會歸方輿紀要名勝志畿輔通志明
統志武清縣志皆謂周圍二百餘里一統志謂皆
惟三角淀爲最大及當西沽之上故諸水皆匯入
焉延袤霸州文安大城武清東安靜海之境東西
亘百六十餘里南北二三十里或六七十里爲七
十二清河之滙渚永定河自西北來子牙河自東

南來咸皆入之今考其地東西六七里南北十餘里已非復古時舊蹟自雍正五年秋敗永定河入淀出老河頭濁流淤停乾隆四年河北折入沙家

淀

在三角淀北與三角淀毗連

三角淀淤地數百頃塍畦相望

禾麥鬱然竟成沃壤小民雖獲毗種之微利而東南失一受水之陂淀水易漲亦未必不由此也

在靜海縣西北曰大水套與大城之東蓮花泊相接大水套東里許爲陳家坑陳家東北四里許爲四角

淀又東北四里許爲閻家坑又東北爲羊芬港又縣西北爲蛤蜊泊蛤蜊東北里許爲第六鋪泊後泊後泊東北里許爲烏龍泊又東北爲蒲泊

在天津縣西北爲蒿浪泊俗名郝浪泊縣東北五里爲丁字沽卽西沽也上納三角淀之水會南北二運河入於海卽清河入運之處

在青縣西南曰蛤蜊泊又名蛤蜊河與靜海之蛤蜊泊同名異處

謹案許氏說文不載淀字廣韻淀泊屬韻會淀洩
泉也劉淵林魏都賦註淀者如淵而淺也水經注
鮑水篇南至泉州東極於海謂之雍奴藪其澤野
有九十九澱新唐書地理志瀛州鄭縣九十九澱
皆不詳其目一以爲雍奴今武清縣也以爲鄭縣
今任邱境也大抵由東迄西與今東西淀不相懸
殊宋史河渠志載塘灤緣邊諸水自清苑迄於滄
州恃以爲險要限制契丹元時亦嘗浚治元史河

渠志大定三年都水監言河間水患在儉河自北

門外依舊疏通至大城縣界以洩上源水引入鹽

河

即海沱河入淀之路今已斷流

古陳玉帶河自軍司口浚至雄

州歸信安縣以導淀濼積潦注之易河黃龍港自

瑣井口開鑿至文安縣玳瑁口以導濼水

文安縣志玳瑁

口在縣東二十五里黃龍港即古長豐渠經火燒淀轉流入海尋以歲

旱罷明人以爲渾河所決入故西北則開中亭十

望等河而東南則築長隄竭力捍禦迄今吞納畿

西巨川有翕受含蓄淤衍積宣之功當其潦時千
頃無涯民居高阜宛在水中若至水旱各淀分區
如盆如釜星列碁布僅通細渠相爲纏絡然而菱
芡蒲葦鳧魚蜃蛤之屬仰食其利者不可勝計淀
以四角河爲翕受以清河爲統率趙北口橋其門
戶也大港引河其輔導也玉帶河其總歸也茅兒
灣張青口則其尾閭也總號曰西以對東而言也
西淀爲七十二清河之所歸諸志之言皆然而究

無所考實文安縣志據明統志順天滙會通河者

十五保定水滙瓦濟河者三十河間水滙易水者

四正定水滙滹沱者十四滙瓦濟易水者經縣之

西北滙滹沱者經縣之東南俱達於武平即勝芳淀雍

奴即三下直沽入海水自霸州注者霸州已非復西淀所經矣

爲廣陽水涿水范水鹽溝水盧溝河巨馬河胡良

河挾河琉璃河沙河龍泉河玉帶河滋河汭河霸

水霸水乃涑易滋諸水行至霸州因名不別列爲一水共十五水惟桑乾

最大自雄縣安州注者爲白溝河卽巨馬下流梁河卽清

苑河下流土尾河卽澠水支流徐河方順河卽蘇水下流長流河

卽清苑下流溫義河高村河紫泉河五里河巨馬河白

澗河唐河沙河滋河滹沱河雄河卽易水雅兒河道

闕河祁水卽方順河上源易水女思谷水濡水涑水卽巨馬河

雷溪子莊溪清苑河卽長流河上源石橋河卽方順河下流一畝

泉雞距泉二泉卽清苑河上源共三十河惟白溝最大自河

間任邱注者爲滹沱河澠水卽唐河西韓河甘洵河

綿蔓河松陽河衛河濊河派河胭脂河當城河郛
河濁漳河清漳河夾河恒水倒馬關水曹河高陽
河長豐渠五官淀其二十一河惟潯沱最大志成
於康熙四十二年迄今百餘年矣然其中水道多
有不合所敷諸水或一河而分爲二或二河而并
爲一又或卽泉源所起以爲名或因支流所在以
指數未能一一悉當明時又有南六水北九水共
十五水之說南六水謂黑洋淀一畝泉方順河唐

河滋河沙河北九水謂盧溝巨馬挾活琉璃胡良
桑乾烏流白澗白溝蓋指其大者而言然南六水
不舉徐曹霽而指黑洋一畝北九水不舉易水而
稱白澗皆爲失倫至白溝爲巨馬河之下流烏流
河今已不能指曰其處亦非確論今皆略爲考定
詳著於篇又會霽河者尚有安肅縣之梁門陂水
會豬龍河者尚有高陽縣之高河會白溝河者尚
有易州之擔石水紫石溪水女思谷水柳亭溝水

礮石水涿州之范陽陂水督亢陂水雖志乘羅列

其名而源泉久已湮廢亦不復列東淀爲西北羣

川之下游而天津又爲東淀之委輸子牙永定亦

水至此亦復通流逆注達於海河

天津府志東淀即清河子牙河

之會流永定河本歸東淀今歸三角淀

伏秋時節強潮抵牾俗有勃

海經白露乃納衆水之說各道汎漲爭趨駢會於

三岔口不至倒漾橫決者旣賴南北各減河分流

瀉洩而東淀以寬綽鍾受俾七十二清河長津巨

派安緩舒徐順流無患皆其力也淀中支津交錯
隨地易名潦水瀾漫則南以格淀隄爲限北以永
定河老隄爲限而鳳河曾入所在迤東以北一帶
則又以韓家樹橫限丁字沽疊道爲限永定河舊
由臺頭勝芳等處入淀自雍正五年改流王慶坨
勝芳以東始無哽噎乾隆十年子牙河挾南北泊
之水逕出獨流村而臺頭以西益無阻滯惟大清
河統滙淀中支渠安流東赴台南北運河至三岔

口歸於海河迄今文安大城以東南北縷河隄埵
免於決突之患皆濁流不入之功也然歲久填淤
已多淺澁而蘆葦菰蔣叢生密布大汛轉碍河流
夏秋之交霖雨驟下夾壅泥沙積墊水底非開展
河身修固隄防不能永保無患埽船淺夫之設在

當日有深意焉

陳儀蘭雪齋集淀民以船爲業船一隻長一丈二尺五寸者可業三

人之力撈取埽泥日可三方一月之內十日撈泥二十日營業盡可度日每一船月撈泥三十方自三月至九月每一船撈泥可二百一十方十船二千一百方船五十隻可撈泥一萬五千方計淀河

一百四十里內淤淺者未必及半也可設船五十隻每船募奴夫三人共一百五十人卽以船與之爲營業不必復給工食一船每月責令撈泥三十方應撈之處官爲測量計其丈尺之數釘椿而標記之既撈之後核數收功所撈之泥運送附近村莊或墊作房基或堆疊園圃任從其便惟不許阻碍河流所募之夫必淀內居住之人入水取埽素所習慣取具互保免其襍徭給以腰牌而登之冊藉雖分工段務令各近其家所用之船不必旋行製造隄內積水新涸民間所有之船盡皆陸置每隻不過三四金稍加修脩卽可乘駕若尙掣獲私鹽船隻毋令變價揀擇取用亦可省其採買如此措置人不勞而帑不費淀河日深清流倍暢所謂日計不足月計有餘也然須添設專官一員督率管理或縣丞或主簿駐淀池適中之處往來稽察仍令廳員兼轄河道統轄倘有淀河淤塞悉照隄

工漫溢之例分別察處庶上下不敢玩忽隄河兩有裨益矣

又案新唐書地

理志瀛州鄭有九十九淀水經注鮑水篇又稱泉州雖奴數其澤野有九十九澱是則西起高陽新安西南起任邱西北起雄縣東抵保定霸州文安大城靜海東北迄於東安武清皆九十九淀之區也東西淀其總名耳今數其目載西淀者爲淀凡三十三十九港二溝一灣一陂東淀者爲淀凡三十三泊二十二港五淀窩四套四坑二潭一沽一考高

陽縣志又有羅漢淀

在縣東南三十里

梁淀

縣東二十里

紫淀

縣東南二十五里

馬棚淀

縣東北二十里

蟹子窪

圈頭北四里

牛蹄窪

蟹子窪北五里

新安縣志

又有杜家淀

在縣南十里周四里

鴨圈淀

縣東十里楊家淀

鴨圈淀南

王家淀

縣東十五里流自白洋淀來

雄縣志

又有馬務淀

一名馬埠淀方三十里在馬務村

白淀稻淀

各方二里皆

在馬務村綠鬚淀

方五六里在小姑村

鉅鬚淀

方五里在開口村

菱角淀

亦在開口村

白絲淀

方十里在邢哥莊

青草淀

方五里在王村

荻蔣淀

方三里在李家莊

黃淀

方十里在西樓村

任邱縣志又有黑耳淀

口在河
莊葫蘆淀在司馬莊西
金陂淀在香港屯西
荷花淀縣南荷花

村三
澹縣北三里
柳圈淀
花草淀俱在市莊村
八角淀

荒蕪淀俱玉東莊
北花淀縣西北四十二里
水落淀在趙北口東
縈

淀在梁家莊
綠窩淀縣西北五十里
蓮花淀縣南三里
馬圈泊在縣南八

里鮎魚泊縣北八里
齊家泊縣東南
百家窪市莊南
霸州志

又有水紋淀
文安縣志
又有柴城淀
橋兒窪在縣章村

西洋洛窪在董哥莊後
底窪在留寨村北
紅窪在縣氏村北
畿輔

通志在雄縣者
又有臺河淀
襄子淀
在任邱縣者

又有凡察淀

縣西北三十里

狐狸淀

縣西北

在保定縣者又

有麒麟窪

在縣北

孝順窪

縣西

在霸州者又有回淀

在霸

州東西二十里南北八里

在文安縣者又有狐狸淀

寰宇記文安縣狐狸

淀李齊淀流河淀風定掃葉錄又有浮雞淀黃龍

淀孟家淀亦當在東西淀之中共得淀四十四窪

九泊四宋史河渠志又有破船淀方淀鵝巢淀陳

大淀燕丹淀大光淀得勝淀下光淀小蘭淀大蘭

淀白水淀大蓮花淀洛陽淀牛橫淀康池淀疇淀

又得十六淀其邊吳淀屬保定安肅境者不與焉
大約今東四兩淀中其迹現存其名可考者爲淀
凡一百三十四港七泊二十七窪十四窩四套四
坑二溝一灣一潭一沽一然畿輔通志狐狸淀任
邱文安兩載似屬重出蓮花淀雄縣文安兩見小
淀霸州大城兩見而第六舖泊則起於乾隆十年
築隔淀大隄而後高陽縣馬棚淀又因宋時牧馬
得名出於唐以後且今所記諸淀名多不雅馴皆

非古九十九淀中舊稱備載其目俾後有所攷焉

宋史河渠志塘濳緣邊諸水所聚因以限遼河北屯田司緣邊安撫司皆掌之而以河北轉運使兼都大制置凡水之淺深屯田司季申工部其水東起滄州界距海岸黑龍港西至乾寧軍沿永濟河合破船淀灰淀方淀爲一水衡廣一百二十里縱九十里至一百二十里其深五尺東起乾寧軍西信安軍下濟渠爲一水西合鵝巢淀陳大定燕丹淀大光淀孟家淀爲一水衡廣一百二十里縱三十里或五十里其深丈餘或六尺東起信安軍承濟渠西至霸州莫金口合水紋淀得勝淀下光淀小蘭淀李子淀大蘭淀爲一水衡廣七十里或十五里或六里其深六尺或七尺東北起霸州莫金口西南保定軍父母砦合糧料淀回淀爲一水衡廣二十七里縱八里其深六尺霸州至保定軍兼

塘岸水最淺故咸平景德中契丹南牧以霸州信安軍爲歸路東南起保定軍西北雄州合百水淀黑羊淀小蓮花淀爲一水衡廣六十里縱二十五里或十里其深八尺或九尺東起雄州西至順安軍合大蓮花淀洛陽淀牛橫淀康池淀疇淀白羊淀爲一水衡廣七十里縱三十里或四五十里其深一丈或六尺或七尺東起順安軍西邊與淀至保州合齊女淀勞淀爲一水衡廣三十餘里其深一丈三口或一丈起安肅廣信軍之南保安西北蓄沈苑河爲塘衡廣三十里縱十里其深五尺淺或三尺曰沈苑泊自保州西合雞距泉尚泉爲稻川方田衡廣十里其深五尺至三尺曰西塘泊大抵河北塘樂東距海西抵廣信安肅深不可涉淺不可舟故指爲險固之地其後淤澱乾涸不復開濬官司利於稻田往往洩其積水自是隄防壞矣

文案宋志所云滄州

至乾寧軍則塘濬首起今天津府境滄州之東北

卽天津之東南蓋界河直下泥姑海口

志稱自邊吳淀至泥

姑海口綿亘七州軍屈曲九百里所謂界河是也

乾寧軍今天津府青縣

地唐乾寧中置青縣之西北卽靜海之東南宋時

引黃御河水入塘濬處名曰獨流口

靜海縣志獨流河在縣北

二十里大南河小南河在縣北四十里卽宋時黃御交流渾茫入海之道今爲長隄所逼不復通矣

宋志自何承矩以黃憊爲判官始開屯田築隄儲水爲阻固其後益增廣之凡並邊諸河若渾茫葫蘆永濟等河皆濬於塘仁宗寶元元年十一月河

北屯田司言欲於石家口導永濟河水以注緣邊

塘濬請免所經民田從之慶厯五年七月初與契
丹約罷廣兩界塘淀而葛懷敏獨治塘益急密奏
曰前轉運使沈進開放七級口泄塘水臣已亟塞
之知順安軍劉宗言閉五門蝶頭港下赤大渦柳
林口漳河不使入塘臣已復通之令注白羊淀矣
神宗熙寧六年十二月命河北同提點制置屯田
使閻士良專興修候隘口曾灌東塘淀濬先是滄
州北三堂等塘濬爲黃河所注其後河改而濬塞
程昉請開琵琶灣引河水而功不成至是士良請
堰水絕御河引西塘永灌之故有是命九年六月
高陽關言信安乾寧塘濬昨因不收獨流決口至
今乾涸於是命河北東西路具圖本上皆引黃御
通淀之路今運河東行于牙河行運河之西
又西則極以長隄漳滏潞沁無自入淀矣

東起

乾寧軍西至信安軍又東起信安軍西至霸州莫

金口皆今順天府霸州境也東起霸州莫金口西
南保定軍父母砦則今保定縣地也信安故城在
霸州東本古淤口關宋景德二年改信安保定軍

彭百川太平治述統類雄霸景德之間塘水初不
相接因名東塘西塘二塘之交蕩然可以爲契丹
人寇歸路遂置保定軍於景德州以
當賊衝厥後開導不已二塘相連東南起保定

軍史作保
安誤西北雄州今雄縣界也東起雄州西至

順安境今安州境也順安本唐唐興縣宋淳化三
年置順安軍東起順安軍西邊吳淀至保州今保

定府境也宋太平興國六年升爲保州其起安州
廣信軍南保州西北則今安肅境也宋太平興國
六年以遂城縣置威鹵軍景德元年改名遂城故
城在安肅縣西蓋水之曲而北出者自滄州至青
縣靜海今皆以長隄限之自安州以西其水皆見
於府河篇而薊州東境達於雄縣之西則西淀清
河之所經東安武清之界爲東淀則遼析津府屬
故宋志不之及也然宋時所謂東塘西塘與今之

東西淀相似而微有別東塘則引滹沱漳衛之水
以益之西塘引徐曹鮑易諸水以注之而今東水
斷流惟西水通津北泛以渾河之盛漲此兩淀之
治所以尤難於往日也明實錄嘉靖十一年郎中
徐元祖上疏濬畿輔水利之策有六其一言淀本
以潞水今反上溢宜加疏濬今淀淀相通達於本
支二河使上下有所洩帝嘉納之蓋亦倣宋制行
之而迄未有成效迨

本朝既治永定河復濬清河於是畿南積水之區橫潦有歸附載圖說於後可以得治河治淀之大略矣

東西兩淀河渠圖說東西兩淀廣袤數百里爲衆水之所會歸淀必有河以爲水道河必有支流以暢疏通但支流之河身多係淺狹易致填淤今詳查分疏要道急宜挑濬者如藥王廟之前引河因西淀豬龍河諸水畢趨趙北口東注柴伙淀淀當白溝之衝每遇泛漲夾帶泥沙阻截上游諸水

倒漾而西爲患近淀各村乾隆二年在任邱雄縣
兩縣境內專闢此河以行西淀之水不與白溝爭
路今用方夫秘夫分別疏濬以除淤填保定縣之
張青口爲東淀咽喉因約束太緊傳送多阻南岸
舊有維柳河毛兒灣並民人自開村北小溝皆以
分洩張青口漲勢又於支河下口王各莊接挑支
河歸入中亭河上口長十里維柳河長四里毛兒
灣下口淤處長三里均展深寬以資分洩其下中

亭河自下河門上口起至三臺山村止長二十九里與玉帶南北相對約五里許每遇汛發則二河合而爲一上口近復淤塞二十里愈無以爲分洩之路附近村莊每被淹浸今將穿處展寬寬處於河底抽挑引河均深七尺以資暢達西北之六郎隄埝十餘里今增庫培薄淀水不北漫爲霸州新城田廬保障又河北岸栲栳圈魚廠村高各莊三臺山四處地勢平行瘠薄今於隄內各建涵洞一

壅引水內灌四村田畝均收其利臺山趙家房兩河之中有古運糧河長四里許河口淤斷三百餘丈今挑通以分兩河水勢且兩河引灌文羈民田多頃臨河圈地多成沃壤玉帶迤東會同河之支流有張家嘴河長十八里自河口至王家疙疸七里許河面僅寬二一丈深一二尺今挑展寬深分減沿隄水勢又免堂頭上馬頭千里長隄之險又文安縣之蒼耳淀舊築圍埝營田日久湮廢今於

圈內南北挑渠長五里餘添建南北涵洞二座以資宣洩灌注又霸州十間房圍埝內共地五十餘頃建有水閘引水灌溉內稻田十餘頃雜糧地二十餘頃葦藕地八頃餘現在民種官分租利而圍內溝渠尚未周修今於稻田四面再挑小溝以便高下節次引灌並開蓄水渠一道卽以挑渠之土帮築東隄以資捍禦自臺頭以下七十里至楊芬港入大清河由楊家河清光並鳳河下口以入於

西沽而臺頭河水受子牙濁水壅淤歲需挑濬以
行漕艘河身旣因淤益狹河流便淤曲不順傍淀
各村每有水患查勝芳舊河上承臺山趙家房二
河之委逕辛張策城之南入楊芬港長四十里較
臺頭達楊芬港之路近三十里東北直注形勢逕
截故土人名爲照直河河身僅塞二十四里餘今
開濬寬深使東淀全局之水悉得迅注其下楊家
河莊西至下河頭長三里許展寬挑深自莊東北

至中河頭裁灣取直三里許以順其勢又於宋家河分支之頭道河淤斷處開挑四里許接入楊家河並將下淤青光之西至蛤蜊河口開拓約長四里許俾匯入大清河一路皆順流無阻而兩淀之尾閘爲暢適矣 雍正三年怡賢親王敬陳水利奏畧竊直隸之水總會於天津以達於海其經流有三自北來者爲白河自南來者曰衛而淀池之水貫乎白衛二河之中東西二淀跨雄霸等十餘

州縣廣袤百餘里畿內六十餘河之水會於西淀
經霸州之苑家口會同河會于牙永定三河之水
滙爲東淀蓋羣水之所瀦蓄也數年以來各淀大
半淤塞惟憑淀河數道通流一經瀑漲不惟淀河
旁溢爲災凡上游諸水之入淀者皆沖突奔騰決
泝無際總緣東淀逼窄不能容納之故也故治直
隸之水必自淀始凡古淀之尙能存水者均應疏
濬深廣并多開引河使淀淀相通其已淤爲田疇

者四面開渠中穿溝洫達於渠渠達於河於淀
而以現在淀內之河身疏濬通暢爲衆流之綱經
緯交貫脈絡交通瀉而不竭蓄而不盈而淀可常
治矣周淀舊有隄岸加修高厚無隄之處量度修
築其趙北苑家二口爲東西二淀咽喉趙北口隄
長七里現在板石橋八座俱應升高加濶並於易
陽橋之南添設木橋一座隄身加高五六尺橋空
各濬深丈餘每橋之下順水開河直貫柴伙淀而

東苑家口之北新開中亭河近復淤塞應疏濬深
廣其上游玉帶河對岸爲十望河舊道應自張青
口開通由老隄頭入中亭河會蘇家橋三岔河達
於東淀庶咽喉無梗尾閘得舒可無冲溢之患矣
于牙永定二河口俱在東淀之西水之淤塞實由
於此今應自柳岔口引渾河稍北達王慶坨之東
北入淀于牙河現由王家口分有二股今應障其
西流約束歸一兩河各依南北岸分道東流仍於

淀內築隄使河自河而淀自淀河身務須深濬常
使淀水高於河身仍設淺夫隨時挑濬毋令淤塞
兩河兩淀之隄至三角淀而止蓋三角一淀爲衆
淀之歸宿容蓄廣而委輸疾但照舊開通逐年撈
濬二河之濁流自不能爲患而萬派之朝宗可得
安瀾矣此廓清淀池調劑二河之大畧也